

石
研
府
志

冊四

石阡府志第七卷

知石阡府事楚北方齊壽增修重刊

田賦志


舊冊

則壤成於禹貢疆畝著自周詩有田則有賦所以食
野人養君子也阡土狹而多瘠明末民遭苗寇田卒
汗萊我

朝招復流亡豁除荒賦休養生息百年餘斯穡歟薄丁
口繁求民之瘼者其加意焉

田丁

田賦



郡成熟田二萬七千二百一十三畝五分七釐零原

額田五萬四千七百七十九畝八分五釐零內除

荒蕪田二萬七千五百六十六畝二分七釐零

郡征差人丁一千一百六十三丁七分三毫零原額

人丁一千九百七十七丁內除逃亡並撥龍泉縣

八百一十七丁內石門司人丁六百二十四

征差銀四錢二分七釐零

錢八分五厘零 在城里人丁三百零七丁

每年所完土丁銀三百七十四兩零俱在每條

馬銀二千五百七十二兩四錢零內合

經勘丈是以例
無照土征銀

戶口 舊冊

郡漢民共三千四百四十三戶 苗民九十五戶

郡漢民苗民男婦大小共二萬五千一百九十七口

錢糧

郡額征地丁銀一千九百七十六兩五分四釐零

原征地丁銀二千五百七十二兩四錢八分八釐

零內除改征米石銀五百九十六兩四錢三分四

戶口

錢糧

一百六

釐零

每米一石折銀八錢共折征米七百四十五石五斗四升二合零

郡額征秋糧米一百八十二石八斗一升零

額征官庄賑穀一百四石九斗零

額折征米七百四十五石五斗四升零

一米納二穀支給共

稅課

郡額收葛閃渡雜稅銀一百四十一兩一錢九分零

遇閏加征銀一十一兩二錢八分九釐零

起解

連雜稅銀除地稅銀每年解二千二百九

一解地丁銀一千六百八十八兩八錢二分零

一解地丁耗銀二百七十八兩四錢八釐零

奏銷費用銀一十八兩外扣存二百二十四兩零買穀支營

一解改征耗米變價銀八十九兩四錢六分五釐零

一解葛閃渡雜稅銀九詳前額收一百四十一兩一錢

一解廩給銀一十二兩隨葛閃渡稅銀征收亦解

一解地稅銀無額定之舉儘收儘解同員契尾册

存支完解銀請不拘限奏銷

一存地丁內本府春夏二季俸銀五十二兩五錢

每季二十六兩二錢五分春夏扣存秋冬在司

庫請領一平俸銀共一百零五兩

一存支儒學教授春夏銀二十兩

每季銀一十八兩九錢

一分六厘零春夏二季存支三十七兩八錢三分

三厘秋冬二季赴

司請領

一存支儒學訓導春夏銀二十兩

每季共銀一十七兩六錢六分五厘

春夏二季存支三十五兩三錢三分三厘

二季赴司請領查教授七品俸每年多銀五兩

一存支經歷司春夏銀三十二兩

每季十六兩三錢二分

兩又各役二季工食十二兩

秋冬二季赴司請領

一存支每年歲貢生一人坊儀銀三兩

一存支每年廩生四十名學濟銀二十兩

每名銀五錢外

每名在本府倉內支米四石一年共支米京斗百六十石

存 文廟春秋二祭銀九兩九錢每祭四兩九錢五分

存 三月初一 三厲祭銀二兩一錢每祭七錢

存 支 每年春鞭銀六兩立春前發與土司預辦春鞭等事

存 支 舖司八名春夏工食銀一十四兩二錢四分

每月大建在衙領銀五兩二錢八分
每月小建領銀五兩一錢四分

查額設舖司八名每名每日工食銀一兩一錢一分

并不給米給折米銀一分二釐一日共給銀二分

二釐秋冬二季赴 司庫請領四季折米銀俱赴

司庫請領閏月加增無閏扣解每月發給墊支還

存支
存支

項 每月初一日
支 墊發給

一 存支儒學衙門各役春夏工食銀二十四兩六

錢六分六釐 兩衙門各領工食十二兩三錢三分
秋冬二季赴司請領

一 存支經歷司衙門各役春夏工食銀十二兩

一 存支本府衙門各役春夏工食銀七十二兩

秋冬二季俱赴司請領查本府各役工食四季
存支請領共銀一百四十四兩

皂役六名 三十兩 快役六名 三十兩 轎傘夫七名 四十兩

禁卒二名 二十兩 斗級一名 六兩 門子二名 十二兩

共二十四名每名六兩春夏七十二兩在每年地
丁銀內存支秋冬七十二兩在司請領

民壯十八名工食四季俱在

司庫請領給發

每名六兩十八名共銀一百零八兩每年領工食銀二十七兩請發

監犯

每名每日支京斗米八合鹽菜銀五厘米在府倉開銷銀在司庫請領每月初一支墊

孤貧

額定十八名每名每日米八合銀五厘開銷請領與監犯同亦每月初一日支墊

一每年支折征米七百四十五石五斗四升零一米

以二穀征收一千四百九十一石八升

營糧兵多穀少於地丁耗銀內扣二百二十四兩

一錢買補支給

此即改征以米一石折銀八錢名曰丁穀

一每年支額征官庄賑穀一百零四石九斗零支給

孤貧口糧所餘照夏收米價變銀
司庫

一 每年額征秋糧米一百八十二石八斗一升零

每年支給

廩生四十名四石共支給餼糧米一百六十石

餘支給營糧內有耗米一十七石八斗零以支給

一 每年府官輸捐京斗穀二石存倉借冊存三十石今蕩然無存矣

請領內先農壇請領銀二兩六錢零詳第五卷

一 每年在司庫請領本府養廉銀八百兩每季領二百兩

一 每年秋冬在司庫請領本府俸銀五十二兩五

錢春夏二季在上年征收地丁錢糧內存扣每季隨養廉請領二十六兩零每年俸銀一百五兩

一每年在

司庫請領民壯四季工食銀一百零八

兩

每季領銀二十七兩此額設在後是以春夏未
同皂快各役在地丁銀內存支

一每年秋冬二季在

司庫請領皂快工食銀三十

六兩

春夏二季在地丁銀內存支

一每年秋冬在

司庫請領門子斗級禁卒驕僉夫

工食銀三十六兩

春夏二季在地丁銀內存支

一每年秋冬在

司庫請領舖夫工食十四兩二錢

四分

又請領四季米銀三十四兩五錢六分

每季三個月大建九十月領九兩二錢米亦銀八
兩六錢四分小建扣除每月領五兩三錢八分

請領

貯備

舊冊

魏李惺平糶之制耿壽昌祖之以設常平開皇立義倉朱子設社倉皆所以備荒而紓民困也我

朝昇平百餘年惠養黎庶法極周至常社二倉尤王政之可久者阡郡常平倉穀額儲一萬七千四百九十餘石而社倉僅存三十八石零昔推官陳龍巖謂社倉之制亟宜修舉乾隆三十年余稟請飭行此守土者所當加意也

文思

常平倉廩

舊冊

一常平倉廩共額儲米易穀一萬七千四百九十九

石二斗零

今城陷無存

日字廩三間

月字廩三間

盈字廩三間

昃字廩三間

辰字廩三間

宿字廩三間

列字廩三間

西新廩三間

北大廩三間

九廩二十七間

南三倉一間

南四倉一間

北一倉一間

北二倉一間

豐字倉三間

東新倉二間

北五倉一間

以上七倉八間共常平倉廩十六座

一秋米改征倉廩共額儲米一百八十二石八斗零

南二倉一間

張字廩三間

以上一倉一間一廩三間共一廩

一官庄賑穀倉廩共額儲穀一百四石九斗零

和字倉一間

北三倉一間

北四倉一間

以上

三倉三間
共三座

查阡郡所有倉廩於同治四年教興
城志被焚燬

常平論

舊冊

夫撥糶細民耕三餘一况守郡乎邇日阡俗民鮮蓋

藏歲入約支數口畧有贏餘視值爭售不待新穀登

場而瓶甌蕭然矣府倉秋糧外僅賑穀

時康熙三十四年
為無常平水

穀存數十石無常平額儲而社倉無折贖可登又無

好善可勸城鄉無備或偶遇旱潦何以補苴耶今社倉之制亟宜修舉令紳士殷戶量捐義輸有司嚴為出陳易新備緩急而弘養濟端有賴焉康熙三年推官陳龍巖撰

社倉

社倉

在郡城內察院右明隆慶三年推官王朝用創建萬曆十九年郡守陸郊增修二十一年順治十四年倉燬穀粒遺廢

康熙三年推官陳龍巖勸城鄉舉行歷年來謹設

社倉六處

共儲京斗穀三十八石九斗一升有奇開列於後

社倉

本城社倉儲存穀十九石二斗

西河社倉儲存穀五石八斗

苗民里社倉儲存穀一石七斗九升

司前社倉儲存穀八斗

江內社倉儲存穀四石七斗二升

在城里社倉儲存穀六石六斗

以上俱舊冊今被
賊後無存

里甲

郡分七里

一江內迎仙里

原屬石阡長官司

一江外迎仙里

原屬石阡長官司

一水東里

原屬石阡長官司

一龍底里

原屬石阡長官司

一苗半里

原屬石阡長官司

一苗民里

原屬苗民長官司康熙五十年改創

一在城里

原屬萬寧長官司康熙二年改創

以上七里歷未編甲祇以各里設鄉保稽查
四年於遵

上具報奏事案內奉文造報民數據各里造報甲名

十五甲每甲三四十戶及六七十戶不等所開

多係地名非十戶為一甲也若以十戶為一甲造報之戶口計其

漢民三千四百四十三戶共三百四十四甲

苗民九十五戶共九甲半漢民流寓客居苗民工無土者俱亦編入

鄉村郡東南西北共二百六十八鄉村

郡正東二十四鄉村

凱斜河 濫橋 三角塘 歐家灣 姚家寨

高坡 梁家坡 上下草比 松明壩 大寨

斗產 木遶 牛塘 思江岩 白水工

鐵礦坪

余家溝

甕昌地

蒲草塘

林意

卜浪甲

蛇盤溪

乍塘

磨溪出

以上替為二

郡正南

十四鄉村

溪口

麻兒坪

龍底

夜高嘴

小長坡

白岩塘

包溪

高寨

平唐寨

啟寨

燈旺寨

大小二堂

鬼洋溪

石板

石板

郡正西

一百四十六鄉村

關口坪

荆竹山

羅家林

舊寨

石板溪

方家溝

白楊寨

雲家寨

地旺溝

孔石

石

三

里中

三

保山 晏家灣 茶店 龍塘 薛溝

新寨 大小二岩 白沙 濫泥溝 割米寨

李家寨 甕仰 魯家溝 杉木溪 楊柳塘

荆竹園 打菜坪 羅家冲 甕堡 黃家壩

張家山 石頭溪 許家山 野毛渡 茶溪

戴家壩 樂橋 文現灣 沙冒山 鄒家壩

趙家壩 古爽寨 岩底 彭家寨 水口

中澤 深溪 中下寨 水岩頭 地桶

均舊屬石門

徐家寨 甕要溪 雷碕 望香岩 蜡水橋

曹家坪 車里河 石家寨 素家山 岩頭寨

米家坝 藍家寺 迎仙峰 上陽坝 韓村

龍塘窩 抵水 古樓坝 板橋 花水

余家關 李岩井 黃白灣 楓香岩 土溪

土密 長山 馬頭山 黃魚塘 石離門

洞上 馬老山 魚跳 黑水 三碗重

五條溪 受水 打磨溪 襄川 粗石溪

苗寨灣 水田溝 大堰塘 唐家寨 犵哩

謝家寨 翁開 指甲坪 安簽冲 火燒庫

石坎

小虫

葛票

冷水溪

白記

土黃

陶家灣

保龍

天堂

葛舊

走馬坪

梅子坡

椒園

白果寨

大小二龍

小江

高王

黃坪寨

范寨

老寨

龍塘

唐家寨

新寨

八幹灣

通木坪

小山

張家寨

石家寨

安家寨

寺寨

楊柳寨

葛彰司

甕岩坪

翁舍

蘆稿冲

雷公寨

堡子

任家田

杉木嶺

祝家寨

銅鼓山

野黃

走溪

野猫岩

馬蹄山

以上鄉村皆屬葛舊

鄉正北

三十三鄉村

梨村

小峰溪

四業崗

官寨

永興場

核桃窩

蒼蒲塘

長山

梁家坡

平貫

荆竹

小洋溪

楊柳塘

汪家寨

楊家寨

合家寨

邵家寨

駱子溝

萬家寨

任家寨

大塘坪

龍洞

崔家寨

李家溝

李溝

張家寨

張家寨

新寨

苦竹園

犴老塢

芭蕉溪

苗民司

沙都

以上鄉村舊屬苗民司

鄉東南

十九鄉村

黃毛塘

長安營

底魯哨

登光寨

箭杆林

乾下

茅寨

隆金寨

塘邊

冷家灣

善家灣

柯家灣

龍洞灣

金銀灣

青山

黃平坡

濫溝

郡西南

七鄉村

塘池寨

梁閣

長坡

葛冲

亞溪寨

新山

登山

郡東北

十四鄉村

上下平地

周家灣

打鉄都

碗平

九

簡部寨

嚴冷寨

龍塘

官墳

石山

大小庄

黎家溝

雙河口

翁谷溪

郡西北

十一鄉村

坨寨

楊眼塘

漆樹坪

黃家寨

桐梓口

鄔家箐

甘家寨

王家溝

朱家坨

天堂

沈家溝

以上共鄉村二百六十八處

市集

俗名趕場

郡西關上下河坨

場期一四七日

東鄉

石家場

場期一六日

離城六十里

南鄉

隆興場

場期一七日

離城一百里

西鄉

龍塘場

場期三九日

離城三十里

本庄場

場期四九日

離城一百里

北鄉

龍洞場

場期二八日

離城二十五里

新場

場期三八日

離城六十五里

桶口場

場期四九日

離城八十里

物產

土地廣生各有攸宜凡境內所產皆足以利民用而昭物采不必南國之竹箭青齋之壓絲也阡雖地

硤瘠穀食而外物產繁多取財者得以窮地利之不

匱云

穀之屬

稻秈者宜飯糯者宜酒

粱有白赤黃三種均可釀酒

黍稷

小麥

大麥

燕麥

蕎麥

青稞

黃稗水旱二種

玉黍

即蜀黍名包穀

大荳

有黃青黑紫數種可作腐取油

小豆一色赤

綠荳

扁荳

蚕荳

一名胡豆

菹荳

蔬之屬

芥

韭

葱

蒜

苜

芹

芋

椒青赤

茶

近鎮遠龍泉各山皆有

蕨

歲歉採之以齋飢

白菜

蔓菜

蘿蔔

茄子

王瓜

俗呼黃瓜

匏瓜

壺瓜

物產

灰藿

金針

豇荳

刀荳

小荳

蓬蒿

香椿

絲瓜

南瓜

冬瓜

竹筴

蘆筍

海椒

蓮藕

芋頭

俗名
鬼頭

山藥

果之屬

桃

李

杏

梨

柿

梅

棗

核桃

栗子

葡萄

石榴

枇杷

木瓜

銀杏

草之屬

茅

蒿

艾

蘆

管

馬蘭

無心草

木芝草

木之屬

杉

栢

松

桂

柳

楊

桐

油以子
取油

楸

椴

榆

槐

樗

檀

棠

梓

黃楊

梧桐

白楊

冬青

女貞

皂莢

通脫

楮樹

一名桑樹葉之有辨
曰楮無辨曰穀作紙

漆樹

柘種

桑樹

未養蚕先種桑有二種
葉薄而繭薄一名白桑葉厚而繭厚

椿

椽

櫟

青杠

柞樹

櫟樹

以二樹可

白蠟樹

收放虫可

楓香樹

竹之屬

斑竹

苦竹

水竹

慈竹

方竹

黑竹

湘妃竹

陽山竹

花之屬

蘭

蕙

菊

荷

萱

碧桃

海棠

薔薇

玉蘭

雞冠

梔子

茉莉

石榴

鳳仙 迎春 茨梨 綉毬 芙蓉 玫瑰

貨之屬 漆 鐵 蠟 蜜 笋 桐油 茶油

皮紙 柴炭 磚瓦 石灰 茯苓 茯神

通草 木耳 棉花 苧麻 黃芩 柴胡

厚朴 黃栢 半夏 南星 大黃 麥冬

香附 苦參 荆芥 車前 木通 葛根

地骨 何首烏 金銀花 五倍子 五加皮

酸棗 蒼耳子 牛蒡子 益母草 山茱萸

牛膝 石菖蒲 知母 葛粉

鳥之屬 雉 雀 燕 鵲 鵲 鵲 鸚 鵡

鶯 鷹 鴿 鷓 鷺 鷓 黃雀 八哥

錦鷄 畫眉 竹鷄

獸之屬 鹿 虎 豹 兔 獺 猿 竹鼯

野豬 牛 馬 羊 犬 豕 貓

按省志載石阡物產內硃砂水銀又地輿載出水犀角此三物素無礦廠之所不近湖海豈都未見有也宜改政其誤

石阡府志第八卷

知石阡府事楚北方齊壽增修重刊

藝文志

文章之作各自名家其采入國史編邑乘者必有其
治道俾後之君子得所考非振藻揚葩已也劉彦和
論經緯區宇彌綸彛憲發輝事業彪炳詞義咸於文
焉賴之余創志次藝文而有味乎其言

傳

夜郎傳

漢范曄

夜郎者初有女子浣於遯水有三節大竹流入足間
聞其中有號聲剖竹視之得一男兒歸而養之及長
月才武自立為夜郎侯以竹為姓

見華陽國志

武帝元鼎

六年平南夷為牂柯郡夜郎侯迎降天子賜其王印
綬後遂殺之夷獠咸以為竹王非血氣所生甚重之
求為立後牂柯太守吳霸以聞天子乃封其三子為
侯死配食其父今夜郎縣有竹王三郎神是也初楚
頃襄王時遣將莊蹻從沅水伐夜郎軍至且蘭探北
於岸而步戰既滅夜郎因留王滇池以且蘭有牂牁

牂柯處乃改其名為牂柯牂柯地多雨潦俗好巫鬼
禁忌寡畜生又無蠶桑故其郡最貧句町縣有枕柳
木可以為麩百姓資之公孫述時大姓龍傳尹董氏
與郡功曹謝暹保境為漢乃遣使徙番禺江入貢光
武嘉之竝嘉褒賞桓帝時郡人尹珍自以生於荒裔
不知禮義乃從汝南許慎應奉受經書圖讖字成還
鄉里教授於是南域始知學焉

六么娘子傳有引

國朝郡守羅文思合江

郡南三舍有琵琶山上存廟址相傳為六么娘

子廟按琵琶中有梁州六么諸曲因建廟於琵琶山耶其亦謂廣輿記載異人隱琵琶山月夜有噪切聲者而擬之以實其廟耶要皆好事者之為也余亦不為明辯姑即廟立傳以見玉環亂唐明妃安漢侍兒之介在顯晦者足千古憑弔云

六么娘子者長安狹邪人也漢元帝時選入宮為明妃侍兒能度梁州六么諸曲宮中遂號為六么娘子云於時匈奴內附請和親帝以明妃賜單于六么

子勝焉至賀蘭驚沙蔽野白草橫秋明妃涕下如雨
持六么泣曰甯復得如長門夜月永巷春風時耶我
歌子為我倚之歌曰祁連鬱鬱渥洼洋洋天馬不來
驃姚刻木綏綏者誰謀之不臧肅肅王命一女子走
將吁嗟嘿嘿兮云何其傷六么以鐵捍撥鷓鴣絃操
膺而答曰回首南山莫能奮飛感于意兮古樂在提
說夫孔張昭陽永辭不我漢后去作閼氏立功而足
豈盡男兒努力加殮兮賢於十萬師歌罷明妃泣破
涕為笑曰兒知我心哉坎頭奴綠綺子不足云耶

于既得明妃即大喜張宴綠王河左右貲王部鼓吹
任禁之樂雜舞竝作為單于慶得佳麗也既而單于
曰聞有六么娘子者能為我翻新弄乎是曹靡靡徒
令人悶耳明妃則呼六么至抱置諸膝理其青絲拂
拭其肩背微聞聲幽咽若從衣袂間來也明妃乃以
上下其手按節相和嘈嘈切切不覺哀動心脾感綺
頑艷矣谷蠡曰是鏗錚鳴者豈秋聲耶乃馳鐵騎而
破銀瓶也錦繖夫人曰流澌落英春氣溶溶矣吾所
鶯語滑花間也骨都侯曰異哉雷繞殿矣珠落道矣

悲征夫矣泣寡婦矣俄聲如裂帛劃然斯止當子曰
是周王之所以笑褒妃耶時漢使在側竊耳語曰殆
宮聲也往而不返妃弗獲歸哉後明妃果仰藥而死
如漢使言六么自明妃卒後幽閉毳帳無復過而問
者一日小單于持之以出則已齒齟髻墮首如飛蓬
矣且泣曰知音既去何忍獨生哭不成聲唯聞胡笳
匝地代馬悲鳴若助其嘆恨者遂投於墻下折項而
死小單于憐之為附之青冢之傍焉

貴陽童子傳

國朝郡守

羅文思 合江

貴陽童子者名銖小字四郎其先本蜀人姓金氏少
皤金天氏之裔也周初有名幣者徙家關中與師尚
父善仕至九府內史至漢文帝時童子生再徙彭城
族益蕃自是人知有彭城氏云童子幼不好弄頭角
嶄然難犯也學於公冶氏磨礪陶鑄久之術成乃曰
此可以說當世之君矣西遊長安鄧通一見而嘆曰
何物老嫗生此甯馨兒然利天下蒼生者必此人也
薦於帝擢為郎稍遷至少府諸朝士遇之輒心動曰
此鄧氏子門下客也與之昵童子亦依依不忍去

不通犯法下吏當死籍其家童子憂懼不知所出
姓氏之齊梁間列侯封君爭相招致得賜厨傳奉邑
間與諸公子為蹴鞠之戲因蹴梁不遜公子怒目攝
之遂逃去客吳偕諸叀命謁王漚漚曰公等俱安在
何相見之晚也即日拜水衡丞寵遇日益隆凡軍械
糧儲馬政樓船諸大事悉咨於童子而後行然童子
雖行若轉圜善權變而其中方正毅如也見漚稍治
歹具輒棄去曰王即尊寵我柰何以天子下吏為諸
侯勃臣辱乃祖九府公耶遁入山服氣鍊形體益輕

往來人間邊方不畏遠所交遊悉富貴子然遇屠沽
市兒攜大墨客下至厮走乞丐苗裸亦時過其門相
遺問席不暇暖輒揚揚他適不返顧也以此德怨常
相半云武帝時復因卜式上謁天子時方有事匈奴
天子嘉其能急公也命兼上林三官與桑弘羊孔僅
等共籌邊事後以內帑漸空有諧童子者曰是浮薄
兒得毋因緣為奸耶何如五郎八郎稍扶重可使器
天子益厭之乃乞骸骨歸貴陽老焉後有見之於銅
仁山呼曰為我語諸舊交倘緣至尚當一晤類

予無益也蓋童子得長生術云其子孫甚多曰孤
君者僑寓會稽慕太守劉寵為人欲往見不果後寵
以秩滿去乃率其宗族百餘人送其境上曰願以百
口累卿寵曰子真累我哉不得已擇一老成者與俱
餘悉不顧而去居江左者曰榆郎美丰儀善清談音
褒見之曰子神仙中人也以兄呼之而心鄙其為人
恒謂榆郎與子處特利交耳著為論多刺譏評交遊
絕檢王衍名投以刺不值衍妻悅之要入門置諸牀
下衍歸見而叱之曰阿堵何為至於衍之室也去之

酒家見阮宣在坐即與飲供阮一醉自是日與阮杖
頭俱矣唐建中初青蚨公名籍甚李正己表薦於朝
司大盈庫旋命青蚨公慰勞淄青軍士天下仰望其
手采而青蚨公益貴惟陸贄惡之曰是兒聚族而居
禍不遠矣迄唐末蚨公齒髮未少衰復與諸宦官遊
田令孜鬻爵實籍公為曹邱生行益穢童子之家風
益替矣然世人重其門第嘗曰好官不過如彭城氏
之實頗有徒耳即宋曹彬亦云

修補文廟碑記

明翰林院 邱 實

檢討

邱 實

按阡城在南服之八番國初尚屬羈縻成祖文皇帝
時始入版圖設郡治學校正統己巳燬於寇成化十
六年太守余君重建於府署之左嘉靖己巳太守朱
君遷於察院之左其來幾百十年而人文之蔚幾
中主琦萬歷丙申太守陸君移殿後明倫堂建以一
經閣自丁酉後阡之科目遂竒於取堪輿家處謂明
倫堂既遷則正殿脫脉太遠尊經閣之高昂勢更踈
歷改修之議無歲不舉第或厄於時艱於物力無可

俯從羣議而成之者壬子益都石君守阡翁源李君
 司理阡士復以修學請二君即俞之石君以述職入
 說李君署郡事遂毅然以學校為己任力請於憲學
 憲公報可君遂捐俸金二十兩會土官安燕翼賙學
 前地銀一百兩叶吉辰庀材鳩工遷尊經閣升正殿
 於其址殿前約十一步為戟門戟門約九步為櫺星
 門啟聖宮不受則遷於正殿之左隅鄉賢名宦祠殿
 隘則遷於戟門之兩掖儒學衙舍移居右仍樹蓋
 閣於前以弗失三山陸君之堆意敬一亭及前列一

皆移修如制迺後崇崗圓暈悉培補成。生體若夫
增高宮廣而規模之宏遠深邃星聯珠絡而丹漆之
焜耀輝煌即迺然望之無不知為堂堂。聖者之居
是皆君之畢力殫慮有以致之也計壬子之仲冬經
始開筭丑夏四月而工竣阡人士列其狀請記於予
以鐫之石予惟斯文關國家命脉學校實從政首務
然吾儕有陟臚而忘其本者率以厯官為重。吾其於
根本重地不啻秦越視之奚暇役後而拮据為惟天
欲大。僕之用以昌吾道之祚自必有賢人君子為

運而來以董厥事在昔如鄭餘慶韓昌黎之以月俸資給學宮厨饌虛允源高承簡之為政而首葺泮宮柳子厚之完舊益新陽嶠常袞之廣修學舍又如鍾離意之修除廟草而獲丹書白壁劉禹錫之修集殿學而夷夏景從則千百年後以為盛傳余因追歎君子之挺生非偶建樹非常而吾道昌熾實存乎其人也阡陽學宮之議改修凡數十年而煥然鼎新竟行君而成之然則君之建祠於阡者固非常阡之久待於君者信非偶也夫 聖靈既安地靈自達百年休

起以共勦太平盛治如雲攀鱗附翼僅僅以功名光
竹帛也特其餘耳獨吾之望阡士也歟哉抑豈君之
應運以造阡者哉阡士必有以自效也而君之盛德
大業益與餘慶昌黎輩先後媿芳矣惟君樹之誠君
屬如龍泉令王君以及經府王三錫博士鄭國彦由
民土司江若濟各捐俸有差且經府偕博士尤勤勞
勤勞以勦其成則君之錫類大矣哉余固以是紀君
之畧也君名應期學憲公名仲雍太守君名恂龍泉

記

君名廷選例書之以誌不朽

重修太虛硯記

明進士 胡允恭 郡人

國志凡境內名山大川幽巖古硯皆備載之非以侈
遊覽也俾執政者一出而問俗採謠賑疲恤困則遊
覽之間其資於政治者尤親切焉則景勝之不廢也
阡陽彈丸耳既隸職方猶然郡也山川所紀雖不侔
于五臺嵩嶽金崎螺江足齒上國而八景所紀如文
筆棲霞將軍峻嶺漱玉溫泉龍川古渡俱歷見於前
賢之題詠不可謂非此地之形勝也惟茲古硯在

燕
子巖草昧初傳有神物楚焉人莫敢近嘉隆間開
懸稍衆始闢之於惠安鄭公祖而命名太虛則楚雄
之江公祖然硿門自闢前蔽崇崗無異面墻如吞山
光挹江瀨何今吉水曾太公祖以名世大賢拜命阡
陽不薄邊鄙於丙辰之冬政通人和興舉廢墜如水
口空曠則新剏浮屠屹乎成千載之砥柱東門北陋
則移建別址巍然壯一郡之干城若書院廡與文昌
祠顏俱一旦更新丹堊輝映此皆公之培造化合神
明不日而奏厥功者惟是親巡阡陌問民疾苦過

洞而登臨極賞其開闢之奇尤慨其異况之隘也因
召父老而得其通竅之處捐俸金若干鳩工鑿之三
闕月而工竣石室高明則祀觀音大士瞻仰皆普陀
之勝洞口築基則成空中樓閣對越惟星斗之章若
夫鴈塔影搖如畫東南之美懸河遠瀉莫窮逝者之
藏日之所收心之所會皆山水之動靜風雲之變態
與花鳥之活潑也而斯洞不誠奇勝也哉遊斯洞者
其樂有不極哉然語有之滿堂晏笑一人向隅則滿
堂之人不樂假令閭閻愁歎相聞困苦不怠欲其尋

才覽勝樂事山水而開放自如也其可得乎惟公則
能同樂於民者也公善政不可枚舉大都民歌士誦
州處羣萃各安其居則民之樂也可以成公之樂惟
公後民樂而成此樂則斯碣之闢斯樂之極固千載
一時也使後之賢人君子有蹈公而續此遊者如其
年豐時和萬物暢遂則神怡心曠歌南風進霞觴借
民樂以為樂則斯碣之遊也民之幸也如其歲歉時
塵黎庶顛連則目擊心動發倉廩議軫恤引民憂以
為憂則斯碣之遊也尤吾民之幸也然則公以遊豫

者而奇之於覽勝之餘後亦以覽勝者而追公遊豫
之盛則蒼生之福也阡陽之幸也孰謂郡之景勝第
供遊覽而已哉郡人士德公至遠且大恐歲久或湮
欲識公利澤於不朽而以筆研屬之恭恭愚賤敢當
此役惟思康衢擊壤皆以揚聖化即愚賤非所論也
因積衆論而記公開碣之所自與遊覽之所資亦竊
附於衢壤之歌云爾

修文廟碑記

國朝參政 劉芳聲

稽古建國井田之後繼以學校所以崇教化美風俗

而人才即於是出國家欲樹人以裕百年之用而人
臣以人事君則棧樸薪槲之化在所必先故安定胡
先生建學於湖州而朝廷取其制以為國家法其所
係如是而聽其頽然不振黯然無色也可乎哉阡之
建學厥惟舊矣歲丁酉夏偽秦時兵叛其將學宮自
正殿外盡炬於祖龍其週遭遺址楹翳蒙茸雞豕躑
躑過者傷之而見義勇為者正難其人幸秦來劉
公來守是郡甫下車拜 閔宮見其高宋朽蠹蒼鼠
竄瓦慨然以更新為已任旋具文詳請卜期鳩工而

里人有高君遴選者以池州司馬致仕旋籍亦博覽
男子也公以大義動之盡力捐數百金扞告公曰予
里人不克任事鳩工庀材惟公是荷公遂以其物公
同散諸工作有不足又益數百金而出入省試俱任
得其人以故不數月而告成也嗚呼高有其財而散
其財既得其財而計度籌畫需之異時遲以歲月其
不為道傍之築舍者幾希矣公有其志有其才甫竭
其誠足以動至聖之靈而高隨以物力佐之遂至
經營位置後使羣動無不如意非天下之至敏其孰

能與於斯是歲之秋里中費氏伯仲以誠以矩者
於是科並薦以為前矛嗣此而竒出無窮宦尉于蒸
更未可量於以見公之期待於阡之人才者真而造
就於人才者神也是役也同時為宦者則有司李陳
公諱龍巖今擢思州守龍泉大尹許公諱延邵今擢
石阡司李儒學袁四陞經歷來國用俱供見成之新
廣文劉世忠躬逢後勁欲壽諸石以志不朽求文於
予予忝督學政樂其功之有成而可久也乃不惜穎
堯而為之記

重修玉皇閣記

明舉人任雲
臨安府太守

楊毓華 邵人

朔方地軸義水天闕坤維開缺陷之端輿論篤栽培
之力媧前石補何如紺殿排空鰲駕山來豈若瓊樓
列嶂櫟照四閣凌霄可摘星辰鱗次兩廊積雪堪污
洞府古木不雲而盤蚌修篁臨淵而鈎龍風華宛出
鶴林景韻如生鷲嶺俄而丙丁不祀戊巳司阨蒼螭
碧瓦紛紛化作劫灰繡柱雕栱寸寸鎔成妖燼亂墜
天花之福地但聞蛙泣蟬哀轟繡貝葉之靈場祇見
獸蹄鳥跡幸有僧人大恩者俗姓黎氏川北順慶人

也恬恃雙無喜神局之不昧年華一紀伏亦化之默
維祝髮道靈期證菩提之域凝心妙灑直探寂滅之
原未幾盃渡思唐潛踪半段茂創叢林造樓臺宮觀
輝煌奪赤城丹壁之霞既而錫飛阡麓緝登五顯大
勤功行施衣帽被繡利濟分優鉢楊枝之水可乃禪
修不已心信無休見紅雲捧處巍巍儼天人共戴之
尊窺碧落空中隱隱是僊聖咸歸之極但現身無所
將說法何因爰集闔黎某等經營舊址發揮精舍容
成較厯郢匠運斤草工鉛黃陶人范埴建 至尊

上下殿閣廣雲僧之左右廊房莊嚴闕部金容黝壁
週遭閭苑役使於重光淵獻竣報於丁大荒落規榷
太遠氣象萬千吞紋瀾而入口波漾棖題招虛岫以
投懷光剝斗拱三台貯白馬之經羣迷仰覺五老蒸
黃金之鼎大界披香溫泉玉漱霏霏髣髴空中有色
官井香流號號依稀動處示無信調御之珠庭而高
真之甲第也於戲捐儲輸蓄贊贈固藉於衆擎而竭
索傾囊圓滿多出於已力事克有濟尤賴宰官以言
觀成則郡侯平陰程公諱際雲城守營李公諱朝林

儒學金公諱渾經歷司傅公諱鳳等均成里戒師
張皇是舉合尖而告竣焉猗歟休哉毓華躬逢其教
亘揚愧乏鴻文約畧初終軋茁聊光令典凡以志不
朽於千秋起觀瞻於萬禩云爾謹記

建修書院碑記

國朝翰林院檢討潘 亨

竊嘗慕文翁之治西蜀韓公之治博陵也興學造士
比戶絃歌維時聲教大洽幾於齊魯至今千載下猶
令人嘖嘖稱道不衰以及李觀博學創書院於臨川
考亭大儒賜書院於建陽自古之風移俗易未有不

因封疆賢臣名儒碩彥政修於上化於下也予濫
竽木天今年夏阡之紳士致書來言曰我太守黃老
翁祖以閩中望族當世名家代有聞人自封君太老
先生觀察粵西屏藩山左鴻勳達於帝座厚德浹
於民物兩省士庶迄於今歌頌不忘焉我公以家學
淵源弘才碩德久歷郎署出牧江陵荆之人殆愛如
甘棠也癸巳夏來守茲土愷悌慈祥待士以禮撫
以恩公餘賦詩直追少陵和平者氣象耿介者熱守
風雅者文章蓋其表率淪浹於侯山鳥江者將一年

矣去年冬我公慨然捐金數百大修 聖廟內面寶

座甃石玲瓏外而墻垣砌石完固兩廡則創建輝煌

泮池則開闢精工數百年之頽腐撓折漫漶不鮮者

一旦而改舊更新黃童皓叟莫不踴躍愛戴謂轉盼

間人文蔚起漸媿中原寧非黃公之栽培留恩波於

不盡哉於是凡我紳士合詞而謀曰我黃公超擢在

邇無寫愛慕之忱將效臨川建陽立書院於城中崇

生像於祠內庶我 公鶯遷之後瞻厥像如瞻我公

焉其傳之百世永之千秋焚祀之私繫戀於無疆也

已余不敏辱在知己既聞盛舉勉伸鄙詞是為記

太虛硯記

國朝教

田仁淳

扶與清淑之氣精靈所鍾不在人則在物黔自莊蹻
開闢以來至有明而始設郡縣是以奇峯秀壑靈巖
幽壝多湮沒於遐陬僻壤寒山荒林之外去阡城五
里許有硯曰太虛硯口豁然高朗鴻濶行數十步則
秉燭而入樞衣而進有萬佛巖焉如綴如補如織如
繡如陣雲戰馬如怒獅搏豹如獮猴數百纍纍引手
林間如鼉鼉成羣頻頻躑躅壁下有鳳翔者有舞

者有慧且黠者有為旣為釜為尊彝者有為蜂房為
珊瑚者更前進見有慈悲大士身右指微拈左袖高
垂令人起敬厥右一穴更喜幽邃時如微雨瀟然下
滴環顧巖壁毫光炫著宛若金鋪星辰隱布一線潛
通直登絕頂有天門焉晉一階則微平可憇心目爽
壇下臨絕壑有明進士胡公碑回首北望則見郡城
倚山煙火寥落窮鄉僻奧之域息事寧人之際舟車
商賈所不達四方賓客所不至民生樂利寧靜恬熙
時而攜榼提壺羣遊茲硎老者扶杖而賞壯者嘯歌

而樂何欣欣也而要皆

朝廷雨露太守之休養生息涵濡入人之深所致也吾
因之有感焉向使斯碣生於中土五嶽之間待王公
大人表而異之則光輝絢爛早稱揚於 堂陛久備
載於廣輿而豈岑寂榛莽抑鬱窮山不獲與桃花至
京括蒼洪陽諸勝共表異於中原也哉斯又茲碣之
不幸也然而今日者

聖明在上車書大一統之休禮樂慶文明之會而尤加意

邊徼特 命道隆德備文章經濟之儒節遐荒覃民

被澤士類景從將見草木益生其光山河令壯其色
而幽谷寒巖亦漸彰明較著於日照月臨之區也是
為記

遊太虛硯記

羅又思

太虛之為硯也於黔特著於郡中之八景稱最以偏
畧山麓非撚炬問途不得入志遊歷者恒憂屢難之
余宦秦十九載所在多名山佳水有天工遺憾處必
捐貲以人力補之良以登臨舒繡情之所鍾遂爾成
癖歲癸未夏由商於來守郡聞此境即淵然神往而

案牘勞形風塵溷跡欲偷暇未遑也
明年訟稍息
當山淨如粧日黃似襖時集同人三五輩罩燈籠燭
暢遊於是硿之中以實所聞以遂所願硿最高且遠
最曲而通初爽塏寬方丈餘土帶潤如酥進數折即
暗少頃雙漏瑩微煙霞縈繞將所謂閬苑風光者壁
上顏仙家白日四字姓氏苔封尚得真力一伏虎伏
深穴內牙爪犀利若噬人狀左旋則龍首昂然掉尾
欲飛大士像屹然中立蓮座層起淨瓶高立有童子
侍其側端拱如生南海遥遥不謂此日親之博而見

鼓石鐘石擊以木則鳴響分金草韻傳鏗兩依稀來
自天上他如玉漱鏘鏘清溜滴也寶光奕奕金沙布
也萬佛重重崖乳結也龍在而蜿蜒長臥田出而靜
深為宅則神人之麒麟南溟之天池也路傍達以無
窮景循生而莫罄萬竅中靈千竒內蘊不勝觀止之
嘆已而履亂石穿狹縫曙色忽新風亦寒是為後硯
相與立崖畔村居在望雞犬喧囂頓自覺仙居境別
不復賴塵氛之擾矣乃知幽異之境不予人以輕至
亦並不予人以易窺彼西子湖之樓臺平泉莊之木

石非不艷美足觀而繁然外炫何若
渾然包舉之
足多耶爰復從後洞入重厯其勝而歸覩記而出時
日已過午即於洞口舉酒相屬對迎天之翠屏挹浮
嵐之霽色送金烏迎玉兔竟不知歸去之已晚云

創修太虛後洞記

羅文思

從來景之在寰宇者而使人跡所易到目得盡窺其
為景必不竒若神異不讓十洲幽勝有如三島而竟
令過者莫知聞者嘆阻竒之不出景烏乎貴余蒞阡
閱兩載矣性癖耽山水於太虛洞最賞心公餘即往

之其中堅者柱矗懸者絡綴揚者龍飛突者獸蹲瑄
乳液融結神人屹立或溜沙鋪潤金光四溢竒形紛
詭莫可名狀嘗自為八景咏之以紀其勝惜去郭偏
遠且非炬無以覽人多病馬爰捐俸鳩工白其後祠
興作口狹則闢之使開岸高則鑿之使下斷其懸柱
除其亂石通硿中之隔碍平硿外之坎坷凡以欲名
勝之景有目共覩不沒天壤間耳但其下甚險峻不
有階級其何以升乃緣山作徑疊以石而款段肩輿
可直上無難前平地頗寬雖幕天席地足暢襟懷然

寥然一硯不足以飾觀瞻復於上翼亭對江山之
明秀撫村落之盈寧望裡一皆畫圖信口可成詩句
覺百凡勝概紛聚畢來天人之工交致即內外之景
互呈幾何不令覽者應接不暇也哉嗟乎以是硯之
神異幽絕使生於大都名區必早有有力好事者營
以萬金侈以衆觀笙簧鞞鼓宵膏繼晷極遊覽之樂
事當不區區作如是觀也然向者偏景山麓今則卻
止在前向者空谷希音今則行人接踵是余之矢力
開山不足多而萬象幽涵之不使空沒者山靈其許

我乎因於興工作報成之日而樂為之記

羅郡尊修補文廟碑記

國朝教授張

鈺

嘗思物各有本人貴知原故聖人言知本賢人言務本則學宮者士林之根本也本之不培茲將焉茂阡陽聖廟背枕東峰面挹西爽南河縈帶北埕迴瀾既據川嶽之靈恒孕斗牛之秀惟是多年創建不免風雨漂搖苟非時加葺修奚以不致傾圮癸未我郡憲合江羅公以名元來守是邦下車即以興學校育人才為首務謁廟時見義路禮門及泮池櫺星

失制切然欲更之越明年政教聿新廢_盡畢舉先是
公愛民如子摘奸若神凡所聽斷動中隱曲黃童白
叟莫不頌為神明一時奸宄為之潛踪學中有田久
為隣田侵佔伊等懼 公之明察也自首出來歸得
租若干石公曰此可積為修補資矣又以 廟中臺
堦徒茲蔓草不足以昭誠敬並令鋪石且恐費繁遂
捐廉俸為倡諭 鉅等綜理焉 鉅惟 公之來阡也仁
廉公明無微不至其愛士也延師立學不吝束修膏
火之資訓課品題無辭批閱丹黃之苦其惜民也薄

財輕得無絲毫之擾累築堤禦患竭心力以經營
若因時歉而糶倉平市免夫役而增價惠窮種種善
政難更僕數即今署冷如冰門清若水猶捐金以葺
學校為念非示人以重本哉爰集紳士共勦厥成幸
有孝廉張君明威羅君文元副車夏君朝華明經邱
君宗文庠生張士朝欣董其事而闔郡人士亦共知
勉為敦本之圖捐貲樂助焉凡閱六月而工告竣今
入其廟則義路禮門甬基式廓巍然並峙也圍垣砌
徑周折曲通燦然有條也泮池協制環橋觀聽採芹

有所也覩櫺星之輝煌觀瞻益肅見臺之瑩潔趨
蹌彌謹也從茲規模整飭氣象恢宏科甲佇看蟬聯
人文旋觀蔚起則本植枝茂要皆我公振興滋培
之流澤孔長也因叙其事並次諸捐貲姓名於石以
誌不朽云是為記

羅郡尊修建石堤碑記

龍泉縣知縣

李合

古醇儒名臣宦跡所至每因一井一堙一堤一堰觸
手成補偏振廢之功民歌樂之亦即一井一堙一堤
一堰以誌不朽非以此究其全也即一斑而全豹可

我 郡憲羅公以 念菴先生裔孫由中名元
出宰三秦商南蒲城諸鉅邑薦陞直隸商州治行為
天下冠遂膺

天子命擢守阡郡下車未彌月士民驚頌其神郡疑案
未白者不惜走數百里願就石阡郡君一決公視事
須臾數十獄無不片言立判竒中隱微民互相顧駭
愕莫測所以久乃適適然喜顚顚然歌曰是真吾大
父母也是乃心民瘼周知窮簷纖悉諸情偽變幻事
投之即照如明鏡止水焉非有他異術不半暮而

匪懾帖境屬晏安遂乃政通人和百廢具舉即如建
堤一事可觀其全焉阡之郭外河上街故莊嶽也川
楚通衢民居比櫛上設講約所其中街之曲盡處乃
逼河濬每夏秋水漲輒緣街漫溢居廬行旅咸惴惴
水中央蓋久安之若素矣 公一日輿行顧謂曰是
不太逼乎周舍外河灘地堤而護之不且水就乾而
使居者行者兩保無恙乎圖患宜預免民陟危真吾
事也遂捐俸若干金即日鳩工不兩月而屹然堤成
且議移講約所其上於是父老子衿登臨四顧咸手

額二是也吾阡城倚山臨河僅僅一線河衍而邊幅
闕如茲堤一建不獨民登衽席即右橋左堤講約所
與水洋廟翼然對出其中買遷行旅嬉遊暮宿城市
山川輾焉改色吾郡君之為吾阡計即此一堤而栽
培久遠如此咸詣合請記以代輿人合故屬吏幸得
親炙提命備聞秦中諸大治績如分地辨賦修礪開
渠以及理疑獄請減租莫不精誠動

廊廟潤澤深河嶽竊以謂范富應軫駢龔黃堪頤指也區
區建堤一事曾何足以記公顧公之明德遠猷編

之即是者於此已發其軼矣遂因輿情而盥手記之
如此

羅郡尊書院碑記

國朝訓導

鍾

徹

阡陽地瘠民貧勤於稼穡古茂樸實崇儉戒奢其為
教宜易入而風亦易移曾子曰國奢則示之以儉國
儉則示之以禮謂紛華不事而禮教可興也惜乎化
民成俗之方架漏千年無有身體而力行之者阡陽
舊有明德書院建立於學宮之右自明歷今三百餘
年前之蒞斯土者或任其傾頽圯壞過而不問焉間

一補葺矣不過供往來宦遊者之暫駐未有延師課
讀養育人才者焉間一延師課讀矣又或師非其人
切磋寡效而徒視為故事焉萬一師得其人鄉遂民
俊濟濟盈庭矣又未幾而伊威在戶聚散無常至問
其故非窘於日用之不繼即苦於膏火之無貲而成
效罕覩焉阡陽雖僻壤邊隅豈無可陶鎔變化之士
為風俗人心之則效者乃竟磨滅無聞風俗仍舊非
賢士大夫之難遇真儒之不世出歟 郡憲羅公西
蜀名宿也家學淵源久已名滿天下癸未歲自商州

簡命阡陽甫下車詢民疾苦見河街居民臨於河岸正當
上流之衝千百年來民之溺於水患難以枚舉而
公以兩袖清風即出俸金以修堤防未踰月憫民風
之未盡純良文教之未能丕振公述禮云曰君子如
欲化民成俗其必由學乎未有學校不興而能臻斯
民於仁讓者於是捐金聚財整理書院選擇師儒造
廬下聘招集遠近生徒斌斌乎向之孤陋而寡聞者
至是幸觀磨之有人矣向之憤懣而無諮者至是幸
啟發於繼志矣蓋公之諄諄化導也務格物致知以

啟其明誠意正心修身以立其體一步一起務使學者以先賢為準則至諸生之為文也必字斟句酌別白是非不少含糊法必準諸先民理必本之傳註叮嚀反覆不以寒暑而易其時不以風雨而間其日公以一身而總斯郡之政既憂樂相通形體俱徹煩難巨細曲直真偽毫髮無差其為日亦無幾矣而苟有餘暇輒造書院不憚徃復如是徹於生民之未遂者見公已饑已溺之憂於樂育人材求勉於義精仁惠之地者見公欲立欲達之心也且也體恤周至務

垂久遠凡諸子之日用膏火不僅於困窮者資給於一時曲為設法創為田畝俾後世之有志來學而貧窶無貲者留無窮之惠澤焉是又不但設教於一日已也猗歟休哉書院之設方一載耳而諸生為文經公口授指示者悉就法度半入膠庠而一時之人民父老勃然向化有願公常留阡郡毋為他郡所奪是祝者有恨不有子弟從遊書院日聆仁義之言者有老儒宿學嘆血氣之既衰不能從公課讀而沒世無知者有善相勸過相規述公之言行轉相告語恐偶

有所失致污公之善政可恥者一時之風行草野不
介而孚厯厯如斯豈徒奸邪小人潛踪境外畏其明
鑒而已哉今之為是記也非徒然也欲後之為師者
為弟子者為民牧而蒞斯土者一以公為之師則人
才之盛當不亞於中州而風俗之醇可媲美於三代
矣

增修啓靈觀碑記

國朝舉

張明威

厯觀古寺觀之設或依山或傍水必有裨於人心風
土者而後建之以大其觀其餘雕梁畫棟浮碧耀金

初非專為桑門寄跡醉翁逃禪之藪也石阡河西北
啓靈觀者翬自前明儼鳳峙於帝闕地居乾亥爭龍
燿於天門含遠山吞長江隱隱躍躍與玉皇諸閣羅
列而並峙是地之靈也昭昭矣登是觀者日浮浪捲
龍川燿其前月露風華文爛映其後且也東臯月出
五老則沈影而聽梵音西山氣爽元峯則高標而飛
姓氏其啓人心之靈也何如然後知前之蒞斯土者
建樹有自而後之采其風者不可增修無方也乾隆
戊辰夏 太守姚公來守斯土下車之始即以培風

工廟人心為兢兢故阡之文峯立見其王戎而斯觀亦為水口之鎖鑰其所以煩其振興者政未有艾也猶是梵王之宮慮其盛盛則易以容奸而衲子之居慮其孤孤則難以觀美故前楹者觀之屏藩也廊廡者觀之藩衛也天井者觀之丹墀也斯觀之前止有正殿而無前楹並廊廡天井缺焉迄僧性真智遠住是曾孫僧綱行福與徒佛參又住是祖孫衣鉢厯有年所力勤儉用積有餘貲遂相繼而鳩庀營繕以竣其事噫觀止矣自是三乘肇起四大排空暮鼓千椎

兩岸之曠曠盡闢晨鐘一擊此都之耳
維新庶幾
人傑出自地靈或亦物華而啓天寶云爾

序

自香園集序

明王櫟

文字至今而日繁矣能言之士莫不各欲出其一行
以自鳴一家又為之博採聲稱增華踵事以輔而行
而人附會於中者疑似相傳彼此互異而不顧其事
之所可安卒之所聞所見各異其辭又相目此事為
掩短蓋長之階而其人之真往往因之不出此今日

文字日繁而其去古日遠也雖然文而能本乎其行
則何惡乎文為文而能適如乎其人之文則又何惡
於為文余嘗私心志之矣壬申之秋司鐸義泉於下
車之始致諸生而前曰其鄉先生申之賢者予將擇
數人為之師又擇數人為之友可若何諸生曰唯
唯曰否否既而曰全君子長其人乎顧觀其云云子
長先生之行幾無擇口於人矣甫欲往而先生已
然來比接之則長者風也頌其緒論則拳拳乎素習
勤勤乎先世也有心哉孝子仁人矢口不忌慈父子

長先生之言殆有不容已於中者乎旂而袖出其自香園一帙其首章曰追思錄卒章曰竒緣錄中凡八篇大抵皆先生生平素履與夫太翁伯尚先生筮仕始末以筆於書而為燕子貽孫之良範其用意蓋深遠也且夫士君子立身行道所以法今而傳後者必將使生平事皆可出以告人而又得一二賢人君子相與引為知音雖名不達於戶外交不逮於名公而吾之可出以告人者顧自若也是故其人而有一事不可以告人則其人可知也其人而無一事不可

以告人則其人又可知也又接子長先生之言請子
長先生之文而夷考于長先生之行若合一符其書
始父母及於昆弟以至於妻孥其間少而嬉戲長而
從遊歸而鄉黨里社窮達異致興會各殊總無一事
不可以告人而無一事不樂為人之所聞者夫是以
發於篇章其文甚質其事甚詳而其歌哭笑傲無非
欲直達其中之所欲言而不可少益一詞少減一韻
者然則先生之文先生之行也余之所以文先生之
文之行亦文先生之文之行也是以知諸生之為余

言之不欺而竊喜予今日父事兄事之有人也爰是不避鄙瑣願附一編初不敢為溢美之詞以欺先生以自欺其讀書論世之素志而或以其文不斐不當附驥於諸名筆之後塵予則知無所逃要以是忖先生度亦非著集之初意也夫

羅公新築石堤序

郡人 徐仕清

古聖賢輔相天地裁成萬物以左右民其大者在區畫井里經理桑麻而除道修礪成梁築堤亦一端焉

阡地緯山經水

國朝百餘年來沐浴太平休養生息居者盈行者集往來
繡錯而深山邃谷悉成坦途河干澤畔盡為廛市即
水之所域雖非巨川大河然而溪出萬山水發叢菁
當春夏之交水猛起則近逼民戶而漂淹者不可勝
數前之守斯土者以工程大吝於解囊莫之治也久
矣癸未秋幸逢逢羅太公祖由蜀之名元出宰商洛
擢陞來阡甫下車即剔釐弊端興崇學校惠政多端
不勝枚舉見河干一市逼近水澤慨然曰余居官數
十年所至之地必極其溺今河街傍水為廛非惟病

商賈亦兼病居民乃捐俸砌石為堤且曰築斯堤者
余之責也凡我黎庶毋許助一錢不數月而堤成阡
民莫不翹首而頌曰我羅公以聖賢利濟為心余
小民幸逢其盛今而後人無漂淹之害宇有金湯之
固誠千秋難覩之福星也湄沐厚恩更聆茲興頌
因不揣固陋敬叙其畧云

引

惜字引

羅文思

投鼎爨於大冶共識咨嗟擲珠璧於深淵咸知動色

刻赤文綠字無非天地精靈鳥跡龍章盡是聖賢心
血乃風殘雨蝕任隨舞絮沾泥霧捲雲馳忍共飛花
委地睢陽有傳僅作風窻一面之遮傖父為文即供
酒甕片時之覆豈特所輕反在所重亦且寶善不若
寶珍吾輩讀書尚煩誥誡愚夫昧道何怪飄零於戲
楊全善埋字而世掇魏科實為盛事王沂廬檢廢而
子登鼎甲最是美談學士襟期豈復希心果報古今
心印自應留意尊崇所望是地名賢力存聖澤此邦
大雅功在斯文搜垂露於塵封不嫌兵燹出懸鉞於

穢壘悉付義泉庶幾哉光燭星雲不滅本來炳烺流
歸河海直符太極渾元即野鷺家鷄不愁落魄將青
燈夜雨亦適安心至於雪案揮毫芸窗染翰風檣陣
馬固吐胸中特出之竒牛鬼神尤裁世外無稽之
誕此則惜之於無象倍切求之於有形諸君子素以
道為程余不佞毋庸言為囑者爾

詩

五言古

流寓夜郎

唐李白

半夜水軍來，潯陽滿旌旄。
空名適自誤，迫脇上樓船。
從賜五百金，棄之若浮煙。
不惟不受賞，翻謫夜郎邊。
夜郎承恩放，還兼欣復京。
師示息秀才。

李白

黃口為人羅，白龍乃魚服。
得罪豈怨天，以愚陷網目。
鯨鯢未剪滅，豺狼屢翻覆。
悲作楚地囚，何日秦廷哭。

五千詩志

卷

詩

代百卷下

遭逢二明主前後兩遷逐去國愁夜郎投身竄荒谷
半道雪屯蒙曠如鳥出籠遙欣克復美光武安可同
天子巡劍閣儲皇守扶風揚袂正北辰開襟攬英雄
胡兵出月窟雷破關之東左掃因右拂旋收洛陽宮
回輿入咸京席捲六合通叱咤開帝業手成天地功
大駕還長安兩日忽在中一朝讓寶位劍璽傳無窮
愧無秋毫力誰念矍翁弋者何所慕高飛仰冥鴻
棄劍學丹砂臨鑪雙玉童寄言息夫子歲晚陟方蓬

流夜郎永華寺寄潯陽宰官

唐李

白

朝別凌煙門曠投永華寺賢豪滿後舟宿散予獨願
願結九江流添成萬行淚寫意寄廬嶽何當來此地
天命有所懸安得苦愁思

竄夜郎於烏江留別宗十六璟 杰 白

君家全盛日台鼎何陸離斬鼉翼媧皇鍊石補天維
一迴日月顧三入鳳凰池失勢青門傍種瓜復幾時
猶會衆賓客三千光路歧皇恩雪憤懣松柏舍榮滋
我非東床人令姊不齊眉浪跡未出世空名動京師
適遭雲羅解翻謫夜郎悲拙妻莫邪劍反比二龍隨

石門府志卷之二
三十一
慚君湍波苦千里遠從之白帝晚猿斷黃牛過客遲
遙瞻明月峽西去益相思

苦旱得雨田禾一莖雙穗

國朝知府黃良佐

鳳歷閱丙申維年五十五帝德彌崇隆荒服拓境宇
車書處處同恩澤頻施普庶哉生齒繁允矣率土溥
草野多愚蒙木鐸開靈府禮樂先修文干戈尤偃武
朝中頌聖人宇內仰乾父萬里恣遠行道路無豹虎
四海濟時清梯航過商賈山林任樵採川澤開網罟
雍熙遍九州休風造千古成樂世昇平尤重治田圃

虛我被恩光累代荷綬組分符入義泉刺之為區主
觸目半苗獫野處雜如麀嗟咨蒞要荒敏勉學治譜
桎梏常不施閭閻頗安堵南陌與東阡泣泣流膏乳
芴屋蔽風霜綢繆及牖戶夜則慎居私朝則聽堂庶
所慮硤瘠地罕見膏沃土幸值

聖明朝宵旰勵股股一方偶水旱百計思安撫至尊時憂
勤在廷多良輔雖云樗散資敢不竭力努布穀喚春
朝勤課歷所部稼穡希時若乾坤切仰俯豈意當季
夏驕陽竟少雨晝夜獨徬徨愁腸牽縷縷緬思予德

皇天

薄恐于鬼神怒不敢事繁文歛精誠亦默禱祈

有禍獨自蠱赤子憫何辜奚堪受疾苦雷靄布密雲
翳翳蔽卓午沛然甘霖降早起商羊舞青苗復勃興
綠野滋潤愈霑濡之所及百穀花齊吐秀色望如雲
細看聞若莊結實鍾靈根原隰碩秔稌兩穗同一莖
仁卉真難覩應知和氣生實為太平枯喜瑞兆豐年
珠玉何足數貯積滿倉箱祭饗盈簋簠父老欣賡酬
雞黍並醴醠含哺率高歌擊壤當鍾鼓欲以方唐虞
更以隆夏禹小臣愧無能涓埃何所補藉此記詩篇

或為采風取

讀自香園集

國朝陳琦

先生始修竹楚楚標淇澳斂茲經濟才醉臥青山麓
浪遊吳越間笑語騰雲煙袖攜虎阜月筆瀉龍湫泉
至今一展卷毫端浪拍天枕卷聊假寐清夢歷層巔
予亦有遊癖忘年結心知豈惟愛公才忠孝允世師
正朔何以尊避世樂邱園孺慕何以永追思薦采繁
躬行何以修功過泐心軒友誼何以摯淡泊志毋讓
百行備一見晚季稱獨難勁節多晚茂虬松鬱巖巔

下有石方田，蜿蜒龍翹首。潛臥抱驪珠，鱗甲殊不謬。
怪狀多難名，萬象若在宥。足倦暫停眸，朗朗光雙溜。
僊家白日遲，窈然別世宙。不知太始前，誰鑿鴻濛透。
瀛州徒侈談，大羅孰邂逅。眼前即蓬萊，實境可希覓。
流連托素毫，想像愧詞陋。寄語遊觀者，玄竒恐難又。

七言古

流夜郎贈辛判官

李白

昔在長安醉花柳，五侯七貴同杯酒。
氣岸遙凌豪士前，風流肯落他人後。
夫子紅顏我少年，章臺走馬看

金鞭文章獻納麒麟殿歌舞淹留玳瑁筵與君自謂
長如此寧知草動風塵起函谷忽驚胡馬來秦宮桃
李向誰開愁愁遠謫夜郎去何日金雞放赦回

遊太虛硯

國朝阡營
都司

唐光甲

太虛名硯江之岸元始靈氣通霄漢秉炬深入等夜
遊落燼燃灰星火亂離奇光怪任搜尋俗狀塵氛早
隔斷神龍飛躍虎猙獰鼓石鐘石可靜按佛像巍然
屹在中笑拈蓮座難褻玩四壁沙光照眼黃轉步仙
家天忽旦邊塞邊徼慶救寧文武恬熙歸清晏曼道

一宮繫如匏攀躋逍遙金不換

五言律

文筆山

明郡守 祁 順

巨筆卓晴峯天然制度工雲霞粧五色風物助三紅
脫穎非囊底生花似夢中流年多少恨終日記書空
阡陽舊冊八景

五老屏山

國朝郡守 黃良佐

列岫何高古蒼然五老顏凌空依日馭倒影落溪灣
黛色開青嶂煙光縮翠鬟相連為伯仲作鎮表東山

太虛石硿

硿幽無鎖鑰門關接天衢虛室乾坤別靈虫物象殊
縱觀峰窈窕緩步徑縈紆勝似桃園景金少佛地鋪

漁浦文瀾

軟綠看金柱江空淨暎迴瀾縈鷺渚濯錦漾魚磯
鼓枻歌初起重綸釣未歸最憐幽絕處吉水共依依

溫泉漱玉

石鑄靈源遠溫泉濯四時煙飛傾玉液潮湧沸珠池
古硿穿山麓孤亭傍水湄坐消塵垢盡枕漱最相宜

掛榜元峰

荒服施文教標名第一峰擎天臨雉堞拔地出芙蓉
白壁千尋石青雲百尺松春風時拂拭莫使碧苔封

將軍峻嶺

峻拔曾無比一峰天外標日穿金甲麗風勁玉總驕
雲幔凌晨捲星旗入夜飄將軍如在御何異霍嫫姚

官井流香

水澈多甘美滄浪遜義泉含虛應有象鑑物若無偏
遶徑通官閣依山枕石阡暗香流不盡玉井自同傳

龍川古渡

迢迢津渡古終日任身橫
夾岸幽花放環林翠鳥鳴
雨添新漲滿風捲暮沙平
景色龍川媚猶傳太白名

阡陽八景

五老屏山

羅文思

五老峰頭竝如屏列正東
平開千古畫高障半天風
黛染停雲外錦添落照中
對時宜薄暮不羨鶴山崇

太虛石洞

石竅鴻濛啟人王來許施鼓鐘
聲自別龍虎伏多奇

元氣層均結霞光一綫窺蓬壺今在邇塵世幾人知
龍川古渡

謫仙留跡韻古渡記名芳詩思縈明殿灘聲走夜郎
沙平風怒捲月駐水清揚恩遇曾邀寵功名未路傷

漁浦文瀾

漁浦豪梁興瀾生細楚文無風成寶篆有巨隳綾紋
方折遊鮮斷圓流盪漿分機潘詞藻味臨眺息糾紛
琵琶清韻

何年僊跡隱卞有玉環聲嘈切空山寂悠揚絕澗鏗

林風清五夜沙月印三更不盡梁州趣
謹將此調賡

掛榜平崖

逶迤江外列掛榜儼真逢霞作黃金色
霧成淡墨容文明徵象外英瑞卜靈鍾
石躍傳科第由來鎮辟雍
溫泉漱玉

坎水存離火澄橫玉韻長濯來同解佩
瀉去若拋漿戛戛攢花朗瑤瑤浴德良
潺湲真悅耳吟句洽鏗鏘

文筆棲霞

一峰孤峻起文筆靄晴天直刺千重錦
高揮五色箋

書空緣底事卓地潤多錢到處毛錐富當於應懼標

遊十萬屯山

國朝教授張鈺

凌霄攢翠嶺拔地出雲根壁削巖千仞嵐環障八門
昔藏十萬甲今住三家村幽邃如盤谷煙霞四望屯

伴雲寺

國朝訓導鍾徹

路入青霄去宮從碧落開馬難尋徑上風疾豔雲來
幻象因虛寂天心觸境回幽深藏秘鑰不必問蓬萊

岐鳳山

國朝千營侯補守備謝維新

連步登高級招提入望賒短墻抽嫩筍深院綴奇葩

有筵陪衲子無語問官衙
依門低眼看掌列萬人家

七言律

石阡書懷

明 郡守 祁 順

男兒弧矢平生志
歷遍中華到石阡
椎髻卉裳荒服地
劔牛刀犢太平年
雨餘山翠開圖畫
夜靜泉聲落管絃
俗客不來公事簡
依窻頻和白雲篇

龍泉石徑

明 王守仁

水花如練落長松
雪際天橋隱白虹
遼鶴不來華表爛
仙人一去石樓空
徒聞鵲駕橫秋夕
漫說秦鞭到

海東移放長江還濟險可憐虛却萬山中

遊太虛洞

明朱奉鈞

偶從公暇問幽蹤
嶽嶽山隈雲外重
一竅森羅空著
色半蹊迴曲合還通
象真漫謂神輸巧
境異不緣人
綴工萬彙渾然藏
室石石光掩映野
藤茸

遊太虛洞

明沈世輝

閱武公餘白日間
何從匹馬問名山
洞門雲鎖四時
靜石髓涼生六月
寒地闢崆峒來太古
天垂法象別
區窳坐消暑氣清
風遠且向尊前解
笑顏

頻年宦轍任西東此地重臨六月逢
耀武千兵烽火淨尋幽一徑石門通
山靈有待飛雙鳥境僻何須駕玉驄
自是高情耽閒靜坐開尊酒萬緣空

由石阡至思南

國朝學使 邵一桂

誰關懸崖作劍門捫蘿穿破白雲根
短牆修竹圍精舍流水桃花又一村
羅甸山容春有脚夜郎月色清無痕
數聲欸乃滄州趣况復船頭送酒樽

昨霄雷雨過清明十日春寒一日晴
遠樹雲開延地色野田水滿落溪聲
一鞭斜照穿花塢雙燕輕風到

石湖汎掃軒憲談坐久半規明月已初更

遊太虛硯

國朝經歷金 玉

涉水登山闢草萊白雲深處硯門開
鼓鐘觸石傳天樂龍虎驚人列上台
有徑相從燈火入無風常看露花來
紗籠肯護題詩客稽首慈容帶笑裁

作宦二十餘載囊囊襜被而外他無長物
之癖久而弗移採致各種四時中開不
袖關國所至之處顏其居曰友蘭比之
潘縣花可以免俗疑於陶令菊將與同
歸爰咏巴詞聊以志况

詩

代古詩

國朝郡守
羅文思

其一

友蘭蘭友久相居斗室閑閑俗埽除邱壑共叅真面
目軒窓長對古琴書曾甘秋露空階冷亦解春風笑
眼舒可似西施還未嫁芡蘿幽思浣紗初

其二

托根原不近塵寰巖月松風共往還長抱芳心須識
者偶離空谷落凡間雲侵棐几香逾潤露壓嬌姿瘦
欲彎鎮日虛齋聊獨賞知君終愛避人間

其三

自持矜貴影蕭蕭不語還勝解語嬌
凍粉乍融冰盞澆
洩冰盞遙映暑全消佩成騷客經秋
紉香竝填宮
月飄便作盆中小草看也能不向歲寒凋

其四

煙霞餐透本清涼幽艷天然出衆芳
紅泪豈因啼杜宇粉容端不染何即試尋白客伊人處
堪寄綠陰君
子傍莫以沉淪負顏色握來臺滿侍臣香

其五

紫莖綠葉畫難勻詩思空裁巧樣新
日竝頭閨秀易傷春山深林密隨高隱
分雨參差不化神澀渚行吟徒結佩
未曾春得此中司

其六

爭誇桃柳河陽艷漫怪空山識爾稀
是有風時真不宕縱無人處亦芳菲
宦貧贏得花偏富官瘦栽來葉不肥
待約歸歟投老契薜蘿為帶芟荷衣

冬日隨羅大尊再遊太虛洞與僚友諸生

飲二首

張鉅

奇踪異跡本天關引得遊人去復回每到壺中六世
外頻窺洞府儼仙台初平叱石知非幻虛靜成丹信
不死笑我幾番看未足又隨五馬踏雲來

雲霞深鎖洞門邊熊軾新臨別一天砌草迎風皆白
化霜林曉日倍爭妍名山每借高人重嘉會還因勝
地得共仰襜帷今暫駐遐陬欣觀大羅仙

春日書院即事二首

明德宜叨訓讀書春光朗朗映階除課程甚緊功宜
勉路遙長步莫徐志懈窓前徒自候學勤名下如

無虛吾曹欲作鹿鳴客休把簡編空列

體

意明几淨列詩書俗氣塵氛盡埽除麗日融和侵
滿春風瀟灑入簾徐難逢境遇須當惜易過韶華
放虛爭著一鞭齊努力

書院久廢羅公
重整捐助膏火

何愁玉陛不

傳臚

遊伴雲寺

伴雲雄剎冠諸天俯瞰崕嶽小視川巖壑參差幽象
外嵐光淡遠渾無邊環村葉燦千林錦夾岸晴蒸萬
戶煙盈我胸懷多曠逸飄然恍若挾飛仙

太虛洞

國朝訓導鍾

微

點山盡是萬山叢惟有太虛別化工高瀾天門石碧
落幽深竒像列玲瓏煙雲能到迷猿路神斧難名
鹿翁表裏洞然人世外分明身到廣寒宮

久聞靈鷲絕囂塵到此悠然耳目新文六世尊難半
面十千古佛見全身鏗然鐘鼓蛟龍伏照耀金沙鳥
詠馴處處引人來入勝漁郎何用指迷津

龍川渡

秋水泱泱古渡頭傳太白泛輕輕舟荒林月影扶人

津

斷岸猿聲古渡愁放逐當年從北去
東流先生詩卷盈天地恨未揮毫石上留

石阡參軍署左舊有太白祠祠廢祀煙燼
金公左遷郡參於後圓建謫仙詩壇
酒圖吟嘯其中歌詩二章以誌夜郎故事

郡人杜雲

論才伯仲邁岑王風雅無端窺異鄉
三峽哀猿傷客心
醉五溪明月伴詩狂飄零雲樹思千里
光焰文章際
一堂遷謫為公深意氣琴樽清酒共徜徉

黔蜀從容逐臣拾遺供奉倍相親抗詞端不私房
館染翰容教刺太真錦里草堂裡祀香屏山冰署
盟新仙靈自應憐同調尚論千秋在一樽

甲申季夏久晴不雨

羅鄆侯公祖漢無門水

取北郭汗濕衣襟祈禱立應蒸紙一章

赤心報

國頓忘身冒暑塗泥總為民交基固舊統

行露臨秋北郭又勞神滂沱應命黃金滿案對
百穀新恍惚虛陵治滁績愧無亭石紀公仁

吳人

張明感

頌羅公堤

一堤新築似重城，千壁江干碧水橫。
火功同砥柱，可驅鯨。任他溟漲家無慮，
不驚安枕屢成謀。是念千秋，惟我羅公。

書院即事

邊城文運際時開，仲素遙從商洛來。
月見薇苓藏藥籠，廣收桃李種行臺。
門書靜花陰暖，畫帳宵深玉漏催。
已見神君謫仙，
二塘居士掇高魁。

遊伴雲寺

合江貢士羅洪錄

伴雲呼吸擬通天足下山峯眼底川
霜葉班斲村遠近晴霞綺麗鷺中邊
禱橫夾岸虹拖水塔剝層空築
掃煙百尺軟塵飛不道更於何處說神仙

孟冬遊譙岐鳳山

晴烘十月暖如春歡洽忘年識幾旬
信口聯吟空念俗連杯倒影滅襟塵
街頭翠籠烟為句楓外丹
是其一幅畫山看未飽倦還飛鳥喚遊人

太虛詞

齊人

楊純華

詩

節彼嶠巖一竅開幽竒雅淡避塵埃
情迎送聞風月有况推敲待雨雷
鳳去鳴岐遺錦羽龍飛御甲半
蒼呂洞中世界忘秦漢一任春秋自往來

赴思南任留別石阡寮屬士民

來逢冬煖去秋晴治未期年化豈行頌祝如何言
紙書院生童所陳各謳歌愈識是虛聲
詩多誦禱之詞風純不復金

吾林亦俗美非闕玉女成所願官民通骨肉諫傳鼓

善傳旌

因闕六弟家書內有尚期誇
木諫鼓不墜下聞之句故云

時值

辛未九月重陽節

賜九方齊壽未定草

奉和

賜翁公祖大人元韻不能盡辭展為二律

負曝人嬉冬日晴採將與頌贈君行草言極
垂官試花拂琴絃有曼聲訟獄無留心鏡朗正
歌到處口碑成劫灰堆裡存遺志當作甘棠
去旌

早衙放罷曉山晴戴鶴花間緩緩行蕉影

詩

詩

式

勤教字蒲鞭堂下靜無聲黍苗膏雨初霑足
李新陰適種成移節還欣鄰照近不須含淚望
霓旌

太虛硯

楊大鑪頓草

明 韓仲雍

磴路透迤上巖扉杳靄窺澄霞漾飛蓋新月影橫天
地土勤供帳山僧遠執羈燭天紛雉炬殷地動鼙鼓
綠荔懸皆迫丹梯置足歌陰房愁澀袂溫室說春
雪色疑玄乳烟光逗紫帷牀為龍臥處穴是鳳來時

擁徑成三秀堆峰列九嶷玲瓏連不斷迴曲到殘崖
佛炬輝珠絡仙臺暗碧滋雙林初止觀六道宛低層
通氣理非謬雕形工若為莫須驚造物直欲問庖羹
舉策家風勁無蹊國士奇勝情輕捫陟足士錫追隨
蔀屋重徵伎花宮再引扈接羅拚倒著玉漏且催遲

溫泉

國朝侍衛
戶部郎中唐先甲

何年穿石水墜地出林垆不盡湯湯勢猶存赫赫形
迎人和可挹去垢德惟馨神汞浴僊鼎龍涎劈巨靈
氣盈推闢關感召識壬丁觸地砂呈紫浮天响映青

華池唾鳳輦丹穴憶凰翎好把商盤竟維新報朝廷

和唐總府溫泉韻

國朝教

張 珏

義泉昭勝跡溫水溢芳坳執熱清堪掬探湯燥不形
澡身塵悉淨浴德氣常馨坎離質陽明濟癸靈
沸騰疑汞鼎疏鑿想神丁出石何曾冷蒸雲分外青
環池開半畝攬閭翼全翎願矢維新志洗心對大廷

遊太虛洞

國朝參
章本仁

造物鍾佳勝偏於僻地藏孕靈舍萬象通息漏三光
龍虎形蟠踞鼓鐘韻抑揚西天昭法補南海隱慈航

石室金沙富仙家白日長偶來得妙境忘却在世荒

羅太公祖新修太虛後洞

郡人晏之廷

新開太虛徑大羅別一天幽深含萬象寂靜渾無邊
峭壁霞雲鎖靈岳日月穿鼓鐘音奏雅初虎勢盤旋
虜境待人顯竒踪因候傳何須覓洞府此處即神仙
七言排律

重遊太虛洞集飲和堂教張麗川先生韻

國朝合江

貢士

羅洪羅

晴冬聯僧入山幽為竇前開縱日遊遠洞宏開天迥

別暗途曲引景潛收巖懸鐘鼓傳聲
露煙霞着色悠玉漱清音頻側耳金波隄壁自凝
碎龍潭珠翠圓時抱佛座蓮生繞數週斑駁碑殘
詩可讀凌嶒亂坐堪留脩觀仙界杯盤列轉對文
人意興稠馬上咏歸何所愛江涵皓月柳絲抽

五言絕

流夜郎題葵葉

李白

題君能衛足嘆我遠離根白日如分照還歸守故園

遊伴雲寺

國朝詩話
唐光甲

直步層霄上憑臨萬戶烟江山羅眼界歌罷只雲眠
七言絕

聞王昌齡左遷龍標遙有此寄

唐

李白

白

楊花落盡子規啼聞道龍標過五溪我寄愁心與明月隨風直到夜郎西

聞補不與

李太白

北闕聖人歌大康南冠君子竄遐荒漢補開秦狗天樂願得風吹到夜郎

南遊夜郎寄內

李白

百叶府志

卷

詩

式百

夜即天外怨離居
明月樓中音信疏
北窗春歸看欲盡
南來不得豫章書

太虛洞中八景

國朝御史羅文思合江

龍虎奇形

頭角踴然勢欲飛
文毛斑駁穴探肥
牢籠養養何須事
相狎渾忘海上機

鼓鐘逸韻

柱石高懸觸扣鳴
響分鐘鼓溜同清
漫云不是鈞天樂
大異人間金草聲

觀音詩景

苦海慈航孰問津洞穿深際識容真蓮臺屹立彩
由蟠結精英隔世塵

羅漢生容

省志載明洪武間有白頭羅公自鎮遠至阡之太虛洞

大悟曾何色相窺燃燈彷彿活鬚眉白頭更不
在今日當年却是誰

萬佛攢崖

崖高數仞有誰踪佛像依稀擁萬重秉炬高輝
亂却疑灑雨散花濃

金沙燥地

誰將沙徑碎鋪金奕奕精光豈陸塵信手拈來此
目寶山何意却逢今

驪臥方田

田澤深深睇曉甍細披鱗甲抱珠眠麟遊鳳舞興
會好待風雲上碧天

漏瑩仙室

煙霞縹緲一仙居雙漏空明白日徐不料廿年塵
吏公然世外得遽廬

桶口道中雜吟

雨中桃花

國朝合江貢士候選知縣羅洪鈺

艷質由來不染塵
洞門斜依古荆蓁
面泚嬌汗還微
笑口漱清泉欲問人

新柳

春光漸到艷陽時
漫展池塘婀娜枝
半掩鶯春陰細
細絛分燕尾影垂垂
驚回漢苑宮前夢
觸起梁園別後思
最爾關心描不盡
煙中情態雨中絲

鷄冠山

咫尺雲光結萬重縱橫溪壑應晨鐘
言時夜加各小隱約還將欲化龍

桶口道士枯松林

國朝合江

羅希二

恨是前冬烈火燒青青一旦變枯焦
靈根終有靈枝秀傍澗亭亭別長苗

野老籬前對野岑向余東指老松林
年年火後仍生癸灰盡蒼毛不損心

歌

温塘午日蓮舟歌

國朝
陳龍

兩編竹筍罩溪魚火照溫塘夜不曠歸向細君錄
醉明朝款乃弔三閣

剪舌寒臯學語新窻前頻喚看船人勸浪其用遠
往濃粧恐照嬌婦津

闌草聞舟樂不殊辟兵奚待赤靈符恍若聞紅裙
戲為道紅裙自有夫

聞道西方十丈蓮如何斗米值三錢只今風雨欲晴
若麻得菱歌徹晚天

題岐鳳山靜潮上人印壽字卷軸

國朝郡實 羅文思

香界何有有此蘭
蒼劔破煩賊色不染
花年延走豸
梅熟可嘉七十非
稀百歲何誇永
崇爾貝葉之華
崇爾鸚鵡之車
國印心印昭
鶴筭以無涯

羅公堤樂成歌

國朝參軍 李時鴻

君不見我眉高聳
撐南天蔽蔭蜀西
千百里我

公最得地之靈名
冠群英稱崛起
選才初任
陽旋擢商山蘇
民望數載烹
鮮勞撫字
興利業乃
公長愷悌
遍傳閩中
老詩章
紛頌泰
富

幸沾

帝眷來暮歡歌半黔疆下車卽布安民策

一屢傍水實堪傷惟捐清俸耕營藉築堤為勝游
防不似慢沙榮宰相豈如夾柳樂

唐王滑門治

績真堪比杭湖後塵慮同方一石橫拖廣鹿蔭千家
茅店固金湯山川草木皆遺愛聊作俚言誌不忘

藝文論

舊冊

雲峯上人云靈巖活水是我無字處則遊屐所及雲
事翰墨增山水一場公案哉然銘鐫碑石魚湖
非柳記元詩終古不傳今所景名什寥々

選勝使嵐光水艷名蹟古刹不至落漠無聞是在
後之賢而辱於此者未可以空門寂語大鑿機鋒
康熙三年推官陳龍巖撰

臣男則言并序

余承乏斯郡兩任八年與都人士因公接見相得
甚懽前歲執友孟惠泉別駕與舍弟葆南攜小兒
元敏南來益慰宦中岑寂今將解組相與言旋臨
歧揮手實愴於懷勉成七律四章以誌他年鴻爪
工拙不計也丙子孟春中州麟閣任偉堂初稿
一曲驪歌聽未終難禁別淚灑東風愧無雅化垂
徽幸有真情對上穹兩度堂成來賀燕有治悉烟
再任重新之八年烽炮靖卷鴻寸心默為元元祀規復舊制

野從教壁壘空

鼓角聲中夜已闌巡城敢畏五更寒

七年初城新築

未定夜常數起巡視理遺

拚將七尺勞兼瘁博得千家吉且安

冠擊時望人

興正同誠匪極離愁忽動太無端琴轅卧轍情何窮
幾度征車回首看

重來定作今朝別再去真深異日思未必無期得繼

見多應有淚揮臨歧敢矜南國留棠蔭生怕章臺折

柳枝遙憶

倚閭勞伫望

幸 總

正愁遊子暮何之

萬壘離情思故國十年宦迹滯他鄉

白丁卯迄丙春

子計司紀

波恨已生南浦寸草心期慰
非堂濬已誓將身
玉勞人贏得鬢如霜諸君惠我彌增愧忍對金盃酌
酒漿

諸紳酬和多溢美逾量之詞能無愧報再成七律
謝之知此中之沈澁非偶然也麟閣又識

拙宦白來本性成翻承茶藻譽循聲安愚行自無
德溢美君原有至情空對樹雲雙眼隔只餘琴劍一
身輕唱酬他日留泥爪從此益添別緒情

啟靈橋夜泊

惠泉孟廣澤

夷州城外泊仰不辨高低篷破難遮雨舟膠危在浪
四垂籠霧重幾陣受風淒假寐愁長夜遙聞唱曉雞

舟中之作下塘頭

飄然一葉舟奔流駛紫電兩崖千尺高仰視天一線
枯藤枝倒垂殘花落片片響忽破空來飛泉懸匹練
亂石撐虎牙濤怒時隱見水更妙迴環山能窺四石
行到下水灘勢急如猛箭鎮日擊篙聲神搖目已眩

到署口號自桶口回

鎮日山中眼倦開一肩行李到衙齋諸君莫怪我

重我是白雲深處來

甲戌歲除登石阡東城誦示高茂齋

已立春二日

夷州城上暮煙低此日登臨意轉迷
識面偏來風細鷺心最是雨淒淒
天涯海角身如寄客感春愁句
懶題北望鄉闈何處所與君仍借一枝枝

乙亥除夕署中口號

已滯三年迹空添五夜愁更無詩可祭
惟有酒堪醉
道負如山積光陰似水流
新春歸計決明日數從頭
游太虛洞

道師在元敏

夷州古夜郎萬山聳岨岫西南五里餘石磴何盤屈
洞天天然生終古非穿掘拾級登其巔迤邐風拂
初入身偃偃石壁色敗駭白日留仙家
回視洞口圓如
宇錫仙家白
鍾乳滴迦佛寒氣沁齒牙我口已如吃凜冽怯衣
我身復如偃我心本太虛洞然無宿物富貴等浮雲
絕不形鬱鬱

龍川渡太白經此

騎鯨未去濟龍川東海曾聞李謫仙此是夜郎經

地臨流古渡起寒煙

溫泉塘

滾滾長流似沸湯
松明山下甃方塘
何當決向西江去
一為人閒滌熱腸

伴雲寺

五老峯前有白雲
頽然古寺望中分
衙齋兀坐青排闥
猶伴殘霞映夕曛

